

2. Ova odluka stupa na snagu danom donošenja, a objavit će se u "Službenim novinama Kantona Sarajevo".

Boj 08-14-36809-2/16

30. decembra 2016. godine  
Sarajevo

Ministar  
Prof. dr. **Jasmin Halebić**, s. r.

### Ministarstvo za obrazovanje, nauku i mlade

Na osnovu člana 66. Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05) i čl. 175. do 183. Zakona o osnovama bezbjednosti saobraćaja na putevima u Bosni i Hercegovini ("Službeni glasnik BiH", broj 6/06, 75/06, 44/07, 84/09, 48/10, 18/13), a u vezi sa odredbama Pravilnika o osposobljavanju za vozača motornih vozila i Pravilnika o načinu i uvjetima organiziranja ispita za vozača motornih vozila ("Službeni glasnik BiH", broj 46/12), ministar za obrazovanje, nauku i mlade Kantona Sarajevo donosi

#### **PRAVILNIK**

#### **O IZMJENAMA I DOPUNAMA PRAVILNIKA O NAČINU I UVJETIMA PROVOĐENJA POSLOVA OSPOSOBLJAVANJA I ORGANIZIRANJA ISPITA ZA VOZAČA MOTORNIH VOZILA**

U Pravilniku o načinu i uvjetima provođenja poslova osposobljavanja i organiziranja ispita za vozača motornih vozila ("Službene novine Kantona Sarajevo", broj 35/16) (u daljem tekstu: Pravilnik), član 37. mijenja se i glasi:

"Član 37.

(Procedura imenovanja ispitne komisije)

- (1) Ispitna komisija se imenuje putem javnog poziva za prijavu kandidata za člana ispitne komisije kojeg raspisuje Ministarstvo.
- (2) Javni poziv sadrži:
  - a) uvjete za članove Ispitne komisije koji su propisani članom 8. Pravilnika o načinu i uvjetima organiziranja ispita za vozača motornih vozila ("Službeni glasnik BiH", broj 46/12);
  - b) obavijest o terminu održavanja testiranja iz poznavanje saobraćajnih propisa za ispitivače iz poznavanja propisa o bezbjednosti saobraćaja na putevima i ispitivače iz upravljanja motornim vozilom;
  - c) obavijest o terminu održavanja testiranja iz poznavanje pružanja prve pomoći za ispitivače iz poznavanja pružanja prve pomoći."

Član 2.

U članu 38. stav (2) mijenja se i glasi:

"(2) Komisiju iz stava (1) čine kompetentna lica iz područja saobraćaja, pedagogije, psihologije ili medicine, te predstavnik Ministarstva, koji obavljaju testiranje i ostale neophodne aktivnosti propisane ovim Pravilnikom."

Član 3.

Član 39. mijenja se i glasi:

"(Uvjeti i kriteriji za imenovanje)

- (1) Za člana Komisije može biti imenovan kandidat koji ispunjava slijedeće uvjete:
  - a) da posjeduje licencu za poziciju/pozicije na koju/koje se prijavljuje;

- b) da ima prijavljeno prebivalište u Kantonu Sarajevo duže od šest mjeseci;
  - c) da nema izrečenu mjeru sigurnosti ili zaštitnu mjeru zabrane upravljanja motornim vozilom;
  - d) da je postigao visok rezultat na testiranju iz oblasti poznavanja saobraćajnih propisa (za ispitivače iz teoretskog dijela ispita i iz upravljanja motornim vozilom), a ispitivač iz poznavanja pružanja prve pomoći na testiranju iz oblasti pružanja prve pomoći;
  - e) da poznaje rad na računaru (Windows, Word, Excel, Internet).
- (2) Pored navedenih uvjeta iz stava (1) ovoga člana, prednost prilikom imenovanja za člana Komisije imaju kandidati:
    - a) sa posebnim socijalno-ekonomskim statusom (nezaposleni);
    - b) sa visokom stručnom spremom."

Član 4.

U članu 40. st. (1), (2), (3) i (4) mijenjaju se i glase:

"Član 40.

(Izborni proces)

- "(1) Komisija iz člana 37. ovoga Pravilnika provjera i formira rang-listu kandidata na osnovu profesionalnih sposobnosti procjenjenih putem testa i ostvarenih bodova po svakom od kriterija.
- (2) Rang-lista kandidata formira se na način da Komisija za provođenje procedure po javnom pozivu za imenovanje članova ispitne komisije za polaganje vozačkog ispita sabere bodove stečene po osnovu rezultata testa, te kriterije, kako slijedi:
  - a) test iz oblasti poznavanja propisa o bezbjednosti saobraćaja sa maksimalno 40 bodova (za ispitivače iz teoretskog dijela ispita i iz upravljanja motornim vozilom);
  - b) test iz oblasti pružanja prve pomoći sa maksimalno 40 bodova (za ispitivače iz poznavanja pružanja prve pomoći);
  - b) poseban socijalno-ekonomski status boduje se na način da kandidat koji je bez stalnog zaposlenja dobije 30;
  - c) visoka stručna sprema se boduje sa 20 bodova;
  - e) poznavanje rada na računaru 10 bodova.
- (3) Po osnovu ostvarenih rezultata testiranja i ostvarenih bodova, Komisija sastavlja rang-listu kandidata, koju dostavlja ministru u roku od 3 (tri) dana.
- (4) Članove Ispitne komisije imenuje Ministar u roku od 8 (osam) dana od dana dostavljanja rang-liste kandidata."

Član 5.

U članu 41. stav (2) mijenja se i glasi:

- "(2) Ministar može mandat Ispitne komisije iz stava (1) ovoga člana produžiti najduže do godinu dana."

Član 6.

- (1) Ovaj Pravilnik će biti objavljen u "Službenim novinama Kantona Sarajevo", a stupa na snagu naredni dan od dana objavljivanja.

Broj 11-02-08-3270/17  
06. februara 2017. godine  
Sarajevo

Ministar  
Prof. dr. **Elvir Kazazović**, s. r.